

EDISAUN DARUAK


Abril-Juñu 2017

Iha edisaun ne'e, ami hato'o atividade sira no progresu hosi projetu Dezenvolvimentu Korredór Estrada Díli-Ainaro (DARDC), ba trimestre daruak 2017 nian.


Konteúdu:

- Análize espasiál ba Risku sira iha DARDC
- Ministériu Solidariedade Sosial lidera Monitorizasaun Konjunta
- Konsultasaun ho funsionáriu sira hosi Governu atu hadi'ak manuál formasaunkona-ba Jestaun Risku Dezastre
- Workshop kona-ba Integrasaun ba Jéneru atu Hari'i Reziliénsia

Análize espasiál ba Risku sira iha Korredór Díli-Ainaro



Suco's ne'ebé risku ba iha rai-monu iha area DARDC nian



Suco's ne'ebé risku ba iha inundasaun iha area DARDC nian

Projetu DARDC kompleta tiha ona mapeamentu kona-ba risku natural poténsial sira iha Korredór Díli-Ainaro.

Objetivu prinsipál hosi mapeamentu ne'e mak karakteriza kondisaun sira hosi área sub-basia ne'ebé hetan impaktu sira tanba risku klimatiku hanesan inundasaun, rai maran, rai halai, inséndiu no anin boot, ne'ebé inklui sira-nia impaktu sira iha meu moris, investimentu sira no ambiente natural sira.

Mapeamentu ne'e inklui basia hidrográfika 4 ne'ebé inklui fali sub-basia 72, iha suku 35 ne'ebé pertense ba Munisípiu Ermera, Aileu, Ainaro no Manufahi.

Hafoin, sei atu apresenta mapa ho risku sira hanesan póster sira, iha suku 35, hodi hasa'e konsiénsia ba comunidade lokal sira.

Ministra Solidariedade Sociál lidera Monitorizasaun Konjunta ba Atividade Projetu

Ainaro, 4 Maiu 2017 - Ministériu Solidariedade Sociál (MSS) no Programa Dezenvolvimentu Nasoins Unidas (UNDP), hamutuk ho Ministériu Agrikultura no Peskas, Ministériu Administrasaun Estatál, Ministériu Komérsiu, Indústriia no Ambiente no Ministériu Interiór, hala'ó monitorizasaun konjunta ba atividade sira hosi projetu Dezenvolvimentu Korredór Estrada Díli-Ainaro (DARDC), iha Aileu no Ainaro, iha 4 Maiu 2017.

Objetivu hosi monitorizasaun konjunta mak observa progresu hosi projetu, ne'ebé implementa iha 2017, no atu fornese sujestaun sira ba implementasaun iha tempu oin mai.

Ekipa ne'e, ho lideransa hosi Exma. Sra. Isabel Amaral Guterres, Ministra Solidariedade Sociál, hala'ó observasaun ba viveirus ai-laran nian iha Aileu, no ba atividade sira kona-ba reflorestasaun iha Aituto, Ainaro. Durante vizita ne'e, Exma. Ministra Guterres fó sujestaun ba comunidade lokál sira atu envolve maka'as iha atividade projetu nian tanba sira hanesan projetu na'in no benefisiáriu sira.

Projetu ida-ne'e kolabora mós ho Ministériu Agrikultura no Peskas (MAP) atu implementa atividade oioin iha área jestaun basias hidrográfika



Ministra da Solidariedade Social, S. E. Ms. Isabel Amaral Guterres, halao lansamentu ba atividade reflorestasaun iha Aituto-Ainaro.

nian. Iha 2017, projetu fó assisténsia ba MAP atu halo plantasaun ba demonstrasaun iha rai ho ektár 16 ne'ebé pretense ba comunidade.

“Projetu ne'e bele fó benefísiu ba ami iha tempu badak liuhosi hetan osan kuandu fa'an modo, fehuk midar, batar no buat seluk tan, no mós iha tempu naruk ami bele hetan benefísiu tan hosi ai-horis sira” hatete Sr. Joaquim da Silva, rai nain no benefisiáriu hosi demonstrasaun agrofloretoal iha Lahae, Aileu.



Ai-oan ne'ebé prontu atu kuda iha area reflorestasaun Aituto-Ainaro.



UNDP Country Director, Sr. Claudio Providas kuda ai-oan iha area reflorestasaun iha area Aituto-Ainaro.

Konsultasaun ho Offisiais Governu atu hadi'ak manuál Treinamentu kona-ba Jestaun Risku Dezastre

Díli, 24 Marsu 2017 – Koñesimentu no kapasidade mak importante loos atu halo jestaun kona-ba risku ba dezastre sira no mós atu halo adaptaun ba mudansa klimátika sira. Nune'e, dezenvolve daudaun manuál formasaun ida ba Institutu Nasionál Administrasaun Públika (INAP), atu instituisaun ne'e bele hasa'e kapasidade ba funsióariu públiku sira iha nível nasionál no munisípál.

Durante *Workshop* ho Konsultasaun Nasionál, hala'ó tiha ona apresentasaun no revizaun ba manuál formasaun ida-ne'e, iha lora 23 to'o 24 marsu 2017, iha Díli, hosi UNDP no parseria hamutuk ho Diresaun Nasionál Jestaun Risku Dezastre (DNJRD-MSS) no ho Sentru ba Mudansa Klimátika no Biodiversidade (SMKB-UNTIL).

Maizomenus funsióariu governu nasionál no munisípál na'in 25, barak liu hosi INAP, DNJRD, MKIA, MSS no Administrasaun Munisípál sira hosi Ainaro no Aileu mak partisipa iha eventu ne'e, no partisipante sira hato'o sira-nia hanoin no sujestaun atu hadi'ak manual formasaun ne'e.



Foto husi: Marino Mouzinho/UNDP
Konsultasaun nasionál kona-ba revizaun manual treinamentu JRD. Fasilita hosi UNDP no CCCB-UNTIL.

Manual ne'e inklui Hamenus Risku Dezastre (HRD), Jestaun Risku Dezastre (JRD) no Adaptaun ba Mudansa Klimátika (AMK).

Hafoin, sei atu entrega manuál ikus nian ba INAP, nune'e bele tama iha INAP nia kurríkulu atu implementa formasaun seluk tan iha tempu oin mai, ba nível hotu, tuir enquadramentu institusionál daudaun DNJRD nian, no ba funsióariu governu hosi nível médiu, iha nível nasionál, munisípál no komunitáriu nian.

Formasaun ba Formadór sira kona-ba Jestaun Risku

Díli, 5 Juñu 2017 – Funsionáriu governu na'in 20 partisipa iha Formasaun ba Formadór sira, durante lora 3, kona-ba JRD, hosi 2 to'o 5 Juñu 2017, iha Díli. Projetu UNDP DARDC kolaborasaun hamutuk ho SMKB, INAP, Banku Mundiál no DNJRD mak organiza formasaun ida-ne'e.

Objetivu hosi formasaun ne'e mak hari'i kapasidade hosi formadór INAP no DNJRD kona-ba aspetu tékniku sira iha jestaun risku dezastre nian no ba

abilidade sira atu fasilita formasaun sira.

Partisipante sira halo avaliasaun ba konteúdu no prosesu hosi formasaun liuhosi utilizaun "métodu uluk no hafoin", hodi hadi'ak manuál molok formadór INAP nian sei implementa fali formasaun sira iha nível rejionál.

Tuir fali Formasaun ba Formadór, sei presiza implementa formasaun haat iha nível rejionál ne'ebé hahú iha semana dahaat Juñu nian, 2017.



Foto husi: Marino Mouzinho/UNDP



Foto husi: Marino Mouzinho/UNDP

Subsídium Komplementár ba Infraestrutúra Komunitária Reziliente

Projetu DARDC apoia tiha ona Ministériu Administrasaun Estatál (MAE) atu dezenvolve no implementa mekanizmu “Subsídium Komplementár”. Objektivu prinsipál hosi subsidiu komplementár ne’e mak integra Hamenus Risku Dezastre no Adaptasaun ba Mudansa Klimátika iha prosesu Planu Dezenvolvimentu Munisipál Integradu (PDMI) no iha ninia Planu Investimentu Munisipál (PIM) liuhosi komplementa orsamentu investimentu públiku nian ba nível lokál no atu korrije, hadi’ak, haforsa, proteje no garante adaptasaun sustentável ba mudansa klimátika iha investimentu públiku nia ativu sira (‘assets’).

Komponente prinsipál ida hosi projetu DARDC mak haforsa prosesu preparasaun ba planu, orsamentu no investimentu ba hamenus risku dezastre no jestaun iha nível lokál, no atu halo ligasaun ba malu hodi proteje infraestrutúra no ativu sira (‘assets’) ekonómiku krítiku iha dezenvolvimentu ba korredór Díli-Ainaro. Mekanizmu Subsídium Komplementár hanesan estratéjia ida hosi projetu atu hari’i infraestrutúra komunitáriu reziliente no ativu sira (‘assets’) iha korredór.



Vise-Ministro MAE, S.E. Sr. Tomás do Rosário Cabral and UNDP Country Director, Sr. Claudio Providas asina LoA atu implementa mekanizmu Fundus Komplementar iha município Aileu, Ainaro, Ermera no manufahi.

Atu bele iha mekanizmu ida ne’ebé efetivu, MAE no UNDP Timor-Leste assina ona Karta Akordu ida, iha 12 Agostu 2016, hamutuk Munísipiu sira hosi Aileu, Ainaro, Manufahi no Ermera iha esritóriu MAE nian. Durante serimónia ne’e, Vise-Ministru Administrasaun Estatál, Sr. Tomás do Rosário Cabral, rekoñese UNDP nia apoiu atu rezolve problema sira comunidade nian no apresia tebes mekanizmu subsidiu, maski ho valór ki’ik, iha potenciál atu fó benefísiu diretu ba comunidade lokál sira. Liután, Sr. Claudio Providas, diretór nasionál UNDP nian, fó parabéns ba munisípiu sira ne’ebé envolve iha prosesu ne’e no nia hatete katak tenke aplika subsidiu sira-ne’e ba protesau hosi infraestrutúra sira ne’ebé hasoru risku ba dezastre natural tanba klima. Subsídium komplementár sira-ne’e sei atu integra iha Planu Dezenvolvimentu Munisipál Integradu (PDMI) no, durante faze dahuluk, atu finansia projetu hitu iha munisípiu Aileu, Ainaro, Manufahi no Ermera, hanesan hatudu iha tabela tuir mai.

Nº. hosi projetu	Naran hosi projetu	Objetivu prinsipál	Fatin	Orsamentu
2			Suku Madabenu, Aldeia Manehalo no Suku Malere, Aldeia Hularema, iha Munisípiu Aileu.	\$ 50,000
1	Haforsa comunidade nia reziliénsia no garante katak comunidade iha asesu ba bee moos ho seguransa no sustentabilidade.	Garante katak comunidade bele asesu ba bee moos no haforsa comunidade nia reziliénsia ba mudansa klimátika liuhosi prevene risku dezastre natural sira.	Munisípiu hosi Ermera, Suku Poetete – Aldeia Berbetulo.	\$ 20,000
2			Suku Ainaro Villa, Aldeia Sabago no Aldeia Bullico	\$ 50,000
1			Suku Holarus, Aldeia Carbulau, Munisípiu Manufahi	\$ 30,000
1	Hamenus risku dezastre nian no haforsa comunidade nia reziliénsia liuhosi konstrusaun trapéziu no reflorestasaun tuir adaptasaun ba mudansa klimátika.	Hamenus risku dezastre ba comunidade no proteje infraestrutúra pública, ne’ebé inklui to’os komunitária sira iha Suku Talimoro, Aldeia Nunusua	Munisípiu hosi Ermera, Suku Talimoro - Aldeia Nunusua	\$ 32,000

Tabela : Projeto 7 finansia hosi fundus komplementar iha faze dahuluk



Vise-Ministro MAE, S.E. Sr. Tomás do Rosário Cabral asina MoU ho Administrador município Aileu, Ainaro, Manufahi no Ermera ne’ebé assiste hosi CTA UNDP-DARDC iha 4 Maiu 2017.

Endereço projetu:

Edefiçio : MSS-NDMD, Bemori, Dili, Timor-Leste
 CTA/PM : Dr. Shyam K. Paudel
 E-mail : shyam.paudel@undp.org
 Telémovel : +670 7795 2899

